

6.

— *Handwritten signature*

— 1921

— *Handwritten text*

# მედიცინა და სამედიცინო

საქართველოს

საქართველო  
1921



### ს ი ნ ა ძ ს ა რ ი .

გრიგოლ რობაქიძე—რ თ ვ ე ლ ი .  
ტიციან ტაბიძე—პ ა ო ლ ო ი ა შ ვ ი ლ ს .  
გიორგი ლეონიძე—ა ვ ტ ო პ ო რ ტ რ ე ტ ი .  
ლილი მეუნარგია—ი ნ ფ ა ნ ტ ა .  
კოლაუ ნადირაძე—პ ო ე ტ ი მ ა ნ ე კ ე ნ ი .  
ნიკოლოზ მიწიშვილი—გ ა მ ო თ ხ ო ვ ე ბ ა .  
შალვა აფხაიძე—წ ე რ ი ლ ი ს ა ნ დ რ ო ს .  
რაქდენ გვეტაძე—მ ა რ ო მ ა ყ ა შ ვ ი ლ ს .  
შალვა კარმელი—მ კ ვ დ ა რ ი ბ რ ჯ უ გ გ ე .  
ვალერიან გაფრინდაშვილი—D i v a g a t i o n .  
სანდრო კირეკიძე—პ ო ე ზ ი ი ს ნ ა პ ი რ ე ბ ი .  
ვ. გაფრინდაშვილი—ს ა ხ ე ლ ე ბ ი ს მ ა გ ი ა .  
ვარამ გაგელი—პ ო ე ტ ე ბ ი ს ტ ა მ ბ ა შ ი .

რედაქტორი—ვ ა ლ ე რ ი ა ნ გ ა ფ რ ი ნ დ ა შ ვ ი ლ ი .

ამუყობი — მ ი ქ ე ლ გ ა რ ს ო შ ვ ი ლ ი .



ბიციან ბაბიძე

პალო იანვილს

ჩემი სონეტი მოელოდა ეპიტელამას.  
 სიამის ტყუნი სიამითაც ვიყოთ ტყულები.  
 საქართველოს მზე გაანათებს სიკაცხლეს ლამაზს  
 მაშინაც, როცა პოეზიით დავიღუპებით.  
 სხვა მეგობარმა და პოეტმა გვადარა აღმასს.  
 ვიცი: გავტყდებით და არასდროს მოვიღუნებით  
 თვით პოეზიას ურიდებლათ ვახურავთ ჩალმას,  
 მაგრამ სასევა სიყვარულით თვალის უბები.  
 წითელი ხარის გამძლეობა მაგარი ჯიში.  
 და იალაღზე შენ იქნები მუდამ წინამძღვრათ  
 ამიტომ არ აქვს არც ერთ ყანწელს აქამდი შიში,  
 რომ საქართველოს მოვედებით ლექსის ნიაღვრათ.  
 ყველას გვინდოდა ყოფილიყავ ჩვენი ამარა,  
 მაგრამ ჩვენ ძმობას დღეს გიბრძანებს შენი თამარი.

გიორგი ლომიძე

ავტობიოგრაფი

ვარ ბარბაროსი, ვარ ხაზარი, ვარ სარაცინი,  
 რომის კედლებთან ურაგანი და დინამიტი.  
 ცხელ რუსუდანის მესრისება მე სარეცელი,  
 დაუბრუნებელ სივრცეების მალჩობს ამინდი.  
 ძველი სისხლები არის ჩემში დარეულები,  
 (კახეთის მსუქან თეძოების ვწოვე მტევნები).  
 თავზე მადგიან კვირები მთვარეულები  
 და პურპურივით მზე მეცემა დაუტევენელი.  
 რასის ჭრილობებს ტანზე ვითვლი, როგორც ყვავილებს.  
 ქართლის თავადი და პარიჟის დიდი ტრიბუნი.  
 მიყვარს დროშები საქართველოს გამოყვანილი  
 მზე—ჩემი გვარის ლაშქრობაში გათეთრებული.  
 პოეზიაში, როგორც რუმბში ჩაყუდებული.  
 ყველა წვეწებში, ყველა შხამში სული ჩავაწე  
 არტაურ რემბოსთან ბოროტ ტყუპად ჩახუტებული—  
 მადგამენ გვირგვინს თეიმურაზ და ჭავჭავაძე.  
 მე ვარ პოეტი, კვირეული ვარ ნიამორი.  
 შეგვიანებულ ტრამვაების ყრუ „ნევერმორით“!

მ. ჯორჯიანი  
 „სივრცეების მალჩობა“  
 № 68

## ლილი მუნაგბია

### ინტანჯა

ვერ მოვიგონე ვინ შემეხო სისხლიან ხელით.  
ხუთივე თითი აღიბეჭდა თეთრ აბრეშუმზე.  
ჩემი ფიქრები გადაიწნა მეწამულ გველათ  
და ჩემს ხატებას თეთრ სარკეში მე ვედარ ვუმზერ.  
კოშმართა ვროვას ათამაშებს დამშეულთ ლანდი,  
ლამის კალთაში რომ ატარებს გამხდარ მემკვიდრეს.  
მოიმღერა მოცეკვავენი ძველი ელლადის.  
იყავ ცბიერი და თვითმკვლელობა არ გაგიკვირდეს.  
გულს დამისერავს შეყვარება ელექტრო ცეცხლის,  
გაყინულ ბროლით სულს დაობლებულს რომ ვერ გაათბოს.  
მომენატრება მღუმარება ცისფერი ვეცხლის.  
ქუჩის დედოფალს დიაპანტებით არვინ შემამკობს.  
ო, რა ენაზე, რა სიტყვებით, ან ვის მივმართო,  
რომ გამოვეტაცო საშინელი იღუმალება!  
წყეულ იქვებით დაფერფლილი დავრჩები მარტო.  
სიგიჟე ჩემი ჩინურ ვაზაში დაიმალება.

### კოლაუ ნადირაძე

#### ყვითელი მალაქალი — პოეტი ბანუკანი

ახლოა წუთი უღმობელი ნაცადი ხშირათ.  
აკბიერდება კუზინი მთვარე მაისის.  
გაგყვები ჩემ სულს დაღმართებით ჯაშუშათ, გზირათ;  
დამატრიალებს დღეს ოცნება უზენაესი.  
საბედისწერო ახლოვდება შეხვედრა ჩვენი;  
დაღბობილ სახეს ვაკვირდები, ვაშორებ რიდეს;  
მღვრია შუშიდან გაღიმება მას მეტათ შვენის;  
მივესალმები როგორც პოეტს უჭეშმარიტესს.  
წვრილი ფეხებით გადმოიარს მაგიდას მარცხნით,  
და მომიჯდება ირიბულათ თვალებ დახრილი;  
თემებს გახუნებულს გაისწორებს ზარმაცი ვარცხნით,  
და ურიცხვ ქამთა მას მოჰყვება ნიაფი გრილი.  
დამპალ უბიდან ის ალაგებს ლექსებს სხვანაირს,  
და მაწვდის ხელში, ვით მუმიებს, ვით ტარანტულებს;  
საწამვლავეებით გააბრუებს, დატვირთავს ჰაერს,  
და სინამდვილეს ის კანკალით ჩემ წინ ართულებს.  
შავ კრიალისნათ მე სამყარო გადმომბარდება,  
მაგრამ მაღალს დააწვება მთვარე მტყლიურათ;  
ჩამომპალ სახეს ხორცმეტები მიძიმეთ ვარდება,  
და მანეკენი იღუპება ფეერიულათ.

გამოთხოვნა

მოვეცდები ჩემად ჩემს კუთხეში საწყალი მგზავრი.  
სულს გამიციებს მე ქალაქში თუჯის სახლები.  
და წავალ ისე მოკრძალებით, უცნობი ჯავრით  
რომ სიბრალულით დამკოცნიან ქუჩის ძაღლები.

არ გამანათებს გვირგვინები და პროცესია.  
გულშია საფლავს არ დააბნევს ვარდს ქალწულები.  
კუბოს ცხენებიც არ წაიღებს როგორც წესია —  
აშლილ ნაბიჯით წამათრევენ დაქანცულები.

ო, მეგობრებო! მომიტევეთ შეცოდებანი.  
დაბეჭილ სხეულს ვინ გაუღებს სამოთხის კარებს.  
განსაზღვრულია წმინდანების იქ წოდებანი  
და პატიოსნად ცხონებულებს ვინ მიმაკარებს.

მე ხომ უეცრად დამიმარცხდა ყველა უჯრედი  
და ჩემი სისხლიც მოიწამლა გადაშენებით.  
წინაპართ თესლის ძლიერება მხნე და უშრეტო  
ცოდვამ წაიღო ვნებიანმა ჩქარი ჭენებით.

ჩემით თავდება წელმაგარი გლეხების გვარი.  
მამათა სისხლი გადავლეხე შხამიან ძმარში.  
დავიწვი ისე როგორც ჩვენსას იწოდა კვარი.  
აჲ მშობელ მიწას ვაგონდები მე აჲ სიხმარში.

მე ბევრი მიმაქვს უცნობი და გაუგებარი.  
ჩემს ტვინში ბევრი უცხო აზრი გადავლესილა.  
მე არ მსმენია ტკბილი სიტყვა-ძმა, მეგობარი.  
ო, რომელიმეს მტრულად მაინც გაერთყა სილა.

და ეხლა მკვდარი, ფეხშიშველი, გახუნებული.  
ხმელი ვკიდევარ ორი ქვეყნის მე ორბოძალზე.  
მე წარსულ დღეებს გადავტირი დაღონებული.  
და ყველა ღმერთებს სათითაოდ ვაგინებ ძალზე.

Handwritten notes in the right margin, including the word "როგორც" and other illegible scribbles.

ქრტილი სანდროს ცილილი'იდან

ძველი ხატების დიდ მინანქრებში  
კვდება ტფილისი—ქართლის დიდება.  
და მოგონებას ქვების ნამქერში  
ჩემი თვალები გაეკიდება.

ო, საქართველო! მინდა მიემართო  
დარღვეულ სხეულს, ჩემ მიწას—დობილს:  
შენ ამ სივრცეში იწვები მარტო,  
ვინ შეგიფარებს აქ არ შენდობილს?

ლამეებს მიაქვს დღის მწუხარება.  
და მოჩვენება ცხელი ისანის.  
გადავიწყდა ტფილისის ხარება:  
ჩვენც ერთმანეთი გადავიცანით.

აქ საოცარი იწვის ხველება,  
საფლავი არის თვალების უბე.  
სანდრო! გვაწუხებს საშინელება,  
ბაღლინჯოს სრესა, შმორი და წუმპე.

შემოგვეჩვია ქარი სოველი.  
გვიანი სპლინი ომით ნალესი  
შემოლამებას კრთომით მოველით.  
იქნება ჯვარცმა უმწვერვალესი.

პილიგრიმები. უდაბნო ცხელი.  
ნინო წარმართი და კლეოპატრა.  
სანდრო! მეძახის შენი სახელი  
და საფიჩხია კვლავ მომენატრა.

## რახუნ გვიტაძე

### ზართ მაცადვილს

მე არ გიცნობდით ამორძალო, სწორო თამარის,—  
მაქვს სანანებლათ თქვენი სახის უნახველობა.  
მაგრამ ამბობენ: რაჭაელის უნდა ხელობა  
თქვენს ნამდვილ პორტრეტს, დღეს რომ ვარდი ფარავს სამარის.

ო, არ დაგცალდათ ნაზი ცქერა მზიან კამარის,  
და როს იგრძენი გშორდებოდა უნაღველობა—  
გტანჯავდა უხმოთ განწირული ბედის ქველობა  
და სიყვარული საქორწილო თეთრი ქამარის.

მოსჩანს მთვარეზე განწირული მამაცი ჯარი.  
და უჩვევ შიშით ვეფარები ქვის მოაჯირებს:  
მოულოდნელათ თქვენს სასთუმალს მოძვრება ჯვარი—

ვით ქაფის სვეტი წამოდგებით გაშლილ ქოჩორით.  
და მოგონებით გულდაწყვეტილს დიდხანს გაჩერებს:  
ქოროლლის ციხე, ტაბახმელა, რუხი კოჯორი.

### ზალვა კარმელი

### მველარი ბრძეგვი

დღეს ქუთაისი თითქო ჩემთვის მკვდარი ბრძეგვია.  
ყველა წარსული დანგრეული მოდის ბაღებად.  
აქ მოგონებას შრილების ფრთები უვია  
და ლამდებიან ოცნებები როდენბახებად.  
გადიარს მთვარე მკვდარ ქალაქზე მარადი სვედით.  
ო, რა უცხოა ეს საღამო და გამობრწყენა.  
თავდავიწყებას ჩვენ მგზავრები ამოდ ვსდევდით.  
როგორც პრინცესა მგლოვიარე—გეფარავს მოწყენა.  
გუშინ ვაგონში ფერმკრთალები შიშობდენ ქლექზე.  
ისროდა ველებს სექტორებად უცხო მედისკე.  
მე კი მათობდა მხოლოდ ერთი ძვირფასი ლექსი:  
„მიმქონდა ხსოვნა ელენესი იმერეთისკენ!“  
მკვდარო ქალაქო გაიღვიძე! შენს ხნიერებას  
ჩემში ტირიან ხავსიანი ტაძრის სვეტები.  
მე წარმოვადგენ აქ პირველად ქვეყნიერებას,  
მერე დაჭკრიან სივრცეებში სხვა პლანეტები.  
არ არი ღმერთი! გადმობრუნდა ცა შერყეული.  
უნდა გავექცე ამ ქვეყანას საგველეშაპოს...  
შშობელო მიწავ! ქეშმარიტად იყავ წყეული  
და ვერ გადურჩე დამარცხებას, სირცხვილს, ეშაფოტს!



## ვალერიან გაფრინდაშვილი

### Divagation

როგორც ჰამლეტი—წარმოდგენას თვითონ განაგებს  
ლურჯი სადამო—შავ ლორწოვით მოხეტიალე.  
ის თავის კუკლებს კაჭვებში დააბანაკებს  
და ბალანის დაიწყება ჩქარი ტრიალი.

ჩვენ, პოეტები, რუხ ქუჩებში გავიფანტებით.  
ტრამვებს შორის აჩრდილები კენტათ დადიან.  
ცქერას დავიტკობთ აჩრდილების ავი ფანდებით,  
თითქო ეს წუთი საოცარი სხვა პარადია.

პატარა ფრთებით მოფრინდება გრიგოლის ალკა  
და უიმედოთ გვეკითხება ის მამის ბინას;  
ჩვენ კიდევ გვინდა ვემსახუროთ მას კათაქალკათ,  
მაგრამ მოიწყენს და გაჰყვება ქალაქის სინას.

ჩვენი ძეგლებით მედიდურობს ქუჩა გვიანი:  
შუადღის პანი ამართულა ვით ოქროს ბუდდა:  
გამოკვეთილი აღმასიდან სდგას ტიციანი:  
ბრწყინავს პაოლო ბუმბერაზი და ნალდი მუდამ.

მაგრამ ეს ქუჩა მობრუნდება ვით კარუსელი:  
მახინჯი სახლი და წარწერა: ყანწელთა მორგი.  
სანახაობას აუტანელს ველარ უძელით  
და გავეჟეცით მოჩვენებას ხმა-დანაბორკი.

ჩ. ვ. ვ. ვ. ვ.  
ქუჩის 16  
„მხიბლილი“  
19

## სანდრო ციკაქიძე

### პოეზიის ნაპირები

სამთავრო პოეზიის არაა შემოხაზული საბოლოოთ. პოეზიას ყოველთვის სჩაგრადენ და პოეტის სახელს სცვეთდენ ათასნაირად. იმას გაუჩნდა მეზობლებიც და მეტოქეებიც. პოეზიას ურევვენ ლექსთწყობაში, ხელოვნებაში, ფილოსოფიაში და პუბლიცისტიკაშიდაც კი.

პოეზია ენერჯიაა, ქმედობაა, გადალახვაა საზღვრების. პოეზია მაშინვეა, როდესაც ათვისება იღებს მისნურ ხასიათს და მისი თქმა ფერებით და ხმებით არაა სავალდებულო. ალი არსენიშვილს და არჩილ მიქაძეს არც ერთი სტრიქონი არ შეუტანიათ პოეტურ მწერლობაში, მაგრამ ისინი პოეტები არიან უთუოდ: მე მწამს, რომ მათთვის ჩვეულებრივი ნივთები იბნიდებიან სხვა სამყაროების გამოსაჩენათ.

პოეზია არ ეტევა ლიტერატურაში. ის უფრო მაღალია და მისი თვლები ისვენებს ხან მუსიკაში, ხან მხატვრობაში. პოეტებია სკრაბინი და გუდიაშვილი. პოეზია განცდაა და მისი გამოთქმა შეიძლება პეტრარკას სონეტით, პროზით, სიმფონიით, უახტლერის საღებავებით. არაა სავალდებულო თქმის სიკეთეც. ცუდი პროზა ხშირათ ჩვენი აზიური მოდერნისტების გათლილ ლექსებზე უფრო პოეტურია.

პოეტის განცდა მაღალ საფეხურებზე იღებს ან ტრადიციის ან ირონიის ხასიათს. ვისაც ეზმანება ორეულები წარმავალის, იმას შეუძლია ლაფორგივით გაასვენოს დედამიწა. ირონია შეიძლება მივიდეს თქმის უარყოფამდე და უნდა მოველოდეთ ამაყ პოეტებს, რომლებიც აღარ გამოსთქვამენ თავის განცდებს. ქეშმარიტი პოეზიის ორღობე მიდის ამ უფსკრულისაკენ; აქ იქნება ნამდვილი კრიზისი ძველი პოეზიის: დიდი განცდები აღარ ლაიტვერება ვიტრინებში მუშტრის მოლოდინში და ფილისტერებს აღარ დასჭირდებათ აუბილეების გადახდა პოეტებისათვის. მაგრამ აუბილეები მაინც იქნება: ფილისტერმა არ იცის ქეშმარიტი პოეზია—მისთვის ყველა სახელები თავსდება ხელოვნებაში. მისთვის მისაწოდომა მხოლოდ უშუალო განცდა, განცდა ფიზიოლოგიური. ის ხუთი გრძნობის გალიაშია და ყველა სიმფონიები ბეტჰოვენის მის ყურის ბარბანს არ სცილდება.

პოეზია არაა ნაწილი ხელოვნების. ხელოვნებას საკუთარი სამთავრო აქვს: იგი სტილია, ფორმაა, საფარველია მაიასი. გარეგნობა ერთი სიტყვით. მას აქვს ინსტიქტიური მიხვედრა გრძნობათა კაპრიზების და ეძებს უფრო მისაღებ და ადვილ ფორმებს. საუკუნოებით მუშავდებოდა კანონები სიმეტრიის, გარმონიის; ხელოვნება ტენიკაა, მიღწევაა. ის არაა დინამიური, ის სტატიურია თავის უმაღლეს საფეხურებზე. ხელოვნებამ იცის მარადი ფორმები ფუგის, სონეტის, კორინთის და იონიის კოლონების. ფორმა უდიდეს როლს თამაშობს არხიტექტურაში და აქ ყველაზე უფრო გამოჩენილია ხასიათი ხელოვნების: დაკანონებული ფორმები და კომპოზიციები ორეულებივით მეორდებიან დროში და სივრცეში.

ხელოვნებას საქმე აქვს მარტო მატერიალურთან, ფერების შერჩევა, ხაზების მოშვილდევა, ხმების შეწყობა ისე, რომ თვალს ეამოს, სმენა დატკბეს—ხელოვნებას სხვა აზრი არა აქვს.

ხელოვნური ნაწარმოები შეიძლება იყოს თავისთავადი, მარტოოდენ ფორმა უშინაარსო. იგი შეიძლება შედგებოდეს იყოს ოსტატობით, მაგრამ მეცხრე ცის გადაღმა არ გადაგვახედებს. ასეთია იგორ სევერიანინის ლექსები, იტალიანური მუსიკა ხშირათ, მოდერნიზმის ცრუკლასიკური ხელოვნება და ყოველი კლასიციზმი იდეალში. ესაა ხელოვნება ხელოვნებისთვის, ფორმა ფორმისთვის, წმინდა ფორმა წმინდა ფაბულით. მას პოეზიასთან არაფერი კავშირი აქვს და მისი მნიშვნელობა. ამგვარივეა, როგორც „ზაფხულში ტკბილი ლიმონათის.“

უფრო ხშირათ ხელოვნება მოჯამაგირეა. იგი თავისი ლამაზი ფორმებით ტანსაცმელივით მიდის საცვეთად პუბლიცისტიკასთან, ფილოსოფიასთან, არითმეტიკასთანაც კი. იგი პასიურია მონასავით და ადამიანის ხუთ გრძნობას მორიდებით უსწრებს წინ, რომ მის სასიამოვნოთ გაალამაზოს ყოველივე—მეცნიერება, რელიგია, ქუჩები, ოთახის მორთულობა.

უტილიტარული ხელოვნება ხშირათ სადღეობა „აზრიან ხელოვნებათ.“ ასეთია აკაკი წერეთლის ლექსები ბანკობიაზე. მისმა მოწაფეებმა ვერ გაიგეს მისი „აღმართ-აღმართი“ და „სულიკო“ და თმაგათეთრებულები დღემდი ლექსავენ მიმდინარე ცხოვრების ფილოსოფიას 200 ბჭკარში და პოეტების ლექსიკონში თავის სახელს ელიან. მაგრამ მხატვრულად დაწერილი ფილოსოფია ან პუბლიცისტიკა იგივეა, რაც ვრუბელის ორნამენტებით შემკული ბუხარი. აკაკის საბანკო ლექსები გავს შაქრით დატკბილულ პილფულებს. ეს „აზრიანი პოეზია“ არაა პოეზია; იგი მხოლოდ ბელეტრისტიკაა,<sup>1)</sup> სულ ერთია ლექსათაა თუ სადათ დაწერილი. აქ გაალამაზებული ნივთებია მთელი თავისი სიმძიმით.

ასე რაინდებივით პირისპირ დგანან პოეზია და ხელოვნება და ხმაღში იწვევენ ერთმანეთს. ბედნიერ მომენტებში ისინი მეგობრებივით ხედებიან. პოეზიასთან თანამშრომლობა ყოველთვის ამალღებდა ხელოვნებას: აქ იგი არ იყო არც აზრიანი და არც ცარიელი.

პოეტური თქმა არაა ყოველთვის ხელოვნური თქმა. ჩვენ დიდ პოეტებს ნიკოლოზ ბარათაშვილს და უფრო ვაჟა-ფშაველას უწუნებენ სიტყვის ოსტატობას.

ხელოვნებას საქმე აქვს ჩვენ ხუთ გრძნობასთან უმთავრესად. იგი თითქმის ხელშესახებია და უფრო ადვილია მასთან მეცნიერული მეთოდებით მისღლა. ამიტომ, რომ ესთეტიკა იმედინათ ეძებს სიმეტრიის და სილამაზის კანონებს. ესთეტიკა ფორმის, სტილის, ათვისების თეორიაა. პოეტკა იქნება თეორია განცდის. პოეტკა უმთავრესად მეტაფიზიკური და მისტიური იქნება.

ხელოვნების ჩაქუჩი გაუძღებს დროთა ბრუნვას. იმას არ ეშინია ფორმების გამეორების. მაგრამ თუ პოეზიამ უარი თქვა სოფელზე და თავის სენაკში ჩაიკეტა, ხელოვნების გამოწვდილ ხმაღს არავინ უპასუხებს და ფილისტერები ვერ შეამჩნევენ მის მარტობას.

12 იენისი 1921 წ.

1) ბელეტრისტიკაა ყველაფერი, რაც მხატვრულ ლიტერატურაში პოეზიის გარეშე რჩება.

## ვალერიან გაფრინდაშვილი

### სახელუძის მაგია

დღეს პოეზია დატვირთულია სახელებით, როგორც კალიოსტროს თითები ძვირფასი თვლებით. ერთი სახელი შედის პოეზიაში, როგორც დედოფალი და მეორე, როგორც მონა.

პირველად სახელს აქვს რეალური შინაარსი, მაგრამ ის თანდათან იწმინდება რეალობიდან და საკუთარ ღირებულებად იქცევა. მთელი საბერძნეთის მითოლოგია დღეს სახელების მაგია არის, დაშორებული თავის პირვანდელ ნიადაგს.

დღეს პოეზია იწვის თავის საკირეში და არაფერს არ სესხულობს ცხოვრებიდან.

პოეზიის მთავარი მიზანი არის გამოგონილი ან არსებული სახელის დამტკიცება და გაძლიერება. სახელი არის რკინის მავთული, ჰაერში გაბმული, რომელზედაც პოეტი ჯამბაზი სიარულს ბედავს.

სახელი და სიტყვა ერთად იზრდებიან, შემდეგ სახელი გაუსწრებს ზრდაში სიტყვას და მალე ააგდებს ტანს. როგორც რომელიმე გმირი ჰქმნის ლეგენდას, ისე სახელი პირველი აშრიანობის შემდეგ ჰქმნის თავის ფანტასტიკას.

პოეტის კულტურა გაიზომება სახელების შესაფერი ხმარებით. ქართულ პოეზიისათვის ბოლო ხანამდე არ არსებობდა სახელების ჯადოქარობა. არ იცოდნენ, რომ სახელი დიდი საშვალეაა მხატვრული მიზანის მისაღწევად.

ტიციან ტაბიძემ თავისი ბრწყინვალე სონეტი 'ესკურიალი' ასე გაათავა: 'მაგრამ სახელი პოეტების უფრო გვაბრმავებს'. აქვე უნდა აღინიშნოს, რომ მკონის მდაბიო სახელწოდება ტიციან ტაბიძემ შესცვალა პოეტის კეთილშობილ სახელით.

არიან პოეტები, რომელნიც სახელის გამოტანას ვერ ახერხებენ: სახელები იცნობენ პოეტებს და ყოველ მგტიჩარას არ ემორჩილებიან.

პოეტების სახელი ანათებს, მაგრამ არიან სხვა სახელები, რომელთაც ეზიარა ჩვენი ოცნება: ბირნამის ტყე, სააკაძე, ერესეფესერ, თამარი, წიწამური, ეიფელი, აშორდია, მაკადამი.

ზოგი ნივთები და მოვლენები თავისი მოკვეთილი სახელით უტოლდებიან ადამიანთა სახელს.

სანდრო ცირეკიძის აზრით პოეზია სათაურით გათავდება. მაგრამ შეიძლება სათაურის უარყოფა ავტორის სახელისათვის, რადგან ავტორის სახელი უფრო მკერმეტყველია.

სახელი როგორც საოცნებო მირაჟი პირველად აღმოაჩინეს პარნასელებმა (ტეოფილ გოტიე).

პარნასელებს შეჰყავთ ისტორია ლირიკის სასუფეველში და დღეს ლირიკა ქანობს სახელების საქანელაზედ.

კნუტ ჰამსენის ილიაილი სახელია და ეს სახელი ევლინება მშიერ ბოგმას როგორც მუზა, როგორც მუცელ-მოგვი მადონა.

უეჭველია ის, რომ სახელი ახალმა პოეზიამ გააზღაპრა, იმ ლირიკამ, რომელიც არის ლიტერატურის სინტეზი და დასრულება. სახელის როლი ისე დიდია დღეს პოეზიაში, რომ უსახელო პოეზია პრიმიტიულია და ვიწრო საზღვარს ვერ გასცილდება.

ბეატრიჩეს სახელი გადასწონის მთელ დანტეს პოეზიას და მისი ალეგორიული პოემა გამართლებას ნახულობს ბეატრიჩეს სახელში. საფოს პოეზია ჩვენ თითქმის არ ვიცით, მაგრამ მისი სახელი თავის თავად პოეტურია. ჩვენ არ ვიცით ნერონის ლექსები, მაგრამ მისი სახელი, ამოვლებული ცეცხლმოკიდებულ რომის დაისში, შედის ლირიკაში, როგორც მოქანცული ქიშკრა.

მერის სახელი უსწორდება შელოს სახელს და ამშვენებს ინგლისურ პოეზიას, როგორც მარადი ინფანტა. ედგარის „ნევერმორი“ არ არის მხოლოდ სიტყვა. ეს სახელია და მკითხველს შეუძლია ამ ერთი სახელით მოიწვიოს ბევრი მოჩვენება და ბევრი სახე.

პოეზია არის „Notre Dame“ და მის მაღალ კედლებზე აიმართენ სახელები, როგორც ქიშკრები.

დღეს რომ პოეზიას სახელები გამოვაცლოთ, პოეზია მთელი საუკუნოებით დაიხვევს უკან, იქნება უშუალო და სადა, როგორც ველურების შაირობა. ჯერ არავის გამოუცხადებია სახელების კულტი. მაგრამ შესაძლოა იმისთანა შკოლის გამოსვლა პოეზიაში, რომელიც აიღებს სახელს, როგორც თავის პოეტის მთავარ ხაზს. ქართულ პოეზიაში სახელების მაგია გამართლებულია ყანწელების გაქანებული სახელებით და აგრეთვე მათი პოეზიით. გრიგოლ რომაქიძის „ვასაკა“ უკვე შეიცავს სახელში თავის ფანტასტიკას და მომავალი ქართული პოეზიის წინამორბედი. პაოლო იაშვილის ფარშავანგი დარჩება, როგორც რევოლიუციის ბაირადი და ამის გარდა ბევრ სახეებს შესძენს ქართულ პოეზიას. ეს ლამაზი და უცხო ფრინველი პირველად პაოლო იაშვილმა ააკივლა პოეზიაში და მე მჯერა, რომ ფარშავანგი იქნება ფანტასმაგორული სახელი და არა მარტო სახე. ტიცინი ტაბიძე მთელ ევროპას მოივლის თავის ქალღმერთ ბალაგანით. მისი ქალღმერთ დაბრძანებებს პოეზიას ახალი სხივებით და ეს სახელი, როგორც „მღვდელი და მალაქია“ ბევრ აჩრდილებს შექმნის და ფროიდში გადავა, როგორც ყოველი შესანიშნავი სახელი. ლოტრემონის მალდორორი საშინელების აპოთეოზია და ისმის, როგორც ნევერმორი. მალარმეს „პენიულტიემი“ სახელში გადადის და მისი პირვანდელი აზრი იკარგება.

სახელების მისტიკა იმდენად თვალსაჩინოა, რომ ამას მოწმობს ყოველდღიური ცხოვრება. ცხოვრებაში გაბატონებულია რამოდენიმე სახელი და ყოველი დანარჩენი მათი ანარეკლია.

არის მომენტი, როდესაც სახელი, როგორც კათაკმეველი, პოეზიის გარეშე სდგას, მაგრამ ცის თალი გაიხსნება და სახელი ამალდდება თავის ტახტზე. მე ვლაპარაკობ კეთილშობილ სახელებზე, რომელთა ნიშნის ქვეშ მიდის დღეს პოეზია.

ლირიკა არის სპილოს ძვლის კოშკი. ამ კოშკიდან იყურებიან ანდროგინები და ქალწულები, რაინდები და დამეძი, მაგრამ თვით პოეტია კოშკის ხუროთმოძღვარი.

როცა პოეტი კვდება, მისი სახელი ვარსკვლავად მიჰყვება მის კუბოს და შემდეგ იწყებს ხეტილს მსოფლიოში. პოეზიის ცაზედ ბევრი ვარსკვლავებია: ჩატერტონი, მარლო, ვიონი.

რომელიმე პოეტი ან ესეისტი შეადგენს პოეტურ სახელების გერალდიკას და აქ იქნებიან აზნაურები და თავადები.

ფუტურისტებს უნდოდათ ხელოვნურად დაეღუპათ პოეზია, მაგრამ ეს თავის თავად მოხდება, რადგანაც პოეზია დღეს იკვებება თავისი სისხლით და ხორციით. ის ჩონჩხად იქცევა და გადატყდება წელში, როგორც მოხუცი აკრობატი. მთელი ფუტურიზმის რიტორიკა და ერუდიცია მიმართულია სახელის წინააღმდეგ, მაგრამ თვით კრუჩონიხი სახელია და ყველაზე უფრო დაწყვეტილი თანამადროვე პოეზიაში.

პოეტები როსკიპებივით ებრძვიან ერთმანეთს, მაგრამ იძულებულნი არიან იცხოვრონ ერთ სახლში.

დადგება დრო, პოეზია სახელებს დაივიწყებს და ისევ დაუბრუნდება ფუტურებს და ყვავილებს. მაგრამ რაც უნდა თავიდან დაიწყოს პოეზიამ, რაც უნდა ობიექტიური იქნეს ის, მისი განვითარება სახელის გამარჯვებით დაგვირგვინდება. სიტყვები როგორც მონები ნახავენ თავის სპარტაკს და დამარცხებენ არისტოკრატიულ სახელებს, მაგრამ ეს დამარცხება იქნება დროებით. ყოველ სიტყვას იმედი აქვს, რომ სახელის წოდებას მოიხვეჭავს ოდესმე.

ყველაზე უფრო დიდი მაგალითი სახელის გაზღაპრების არის ღმერთი: არავინ არ იცის რას ნიშნავს ეს ნოუმენი, მაგრამ იგი კაცობრიობის რეჯისორია.

## მარამ გაგული

### პოეზიი სცამქაწი

(ფრაგმენტები ბიოგრაფიისთვის)

გრიგოლ რობაქიძე. აქვს თავის ფანტასმაგორია და მისტიკა დიდების. ვილიე დ'ელილ ადანმა დასწერა „დიდების მაშინა“. საქართველოში გრიგოლ რობაქიძემ გაანათა ამ ფოსფორით. გადაკარგული უცხოეთში ქართველები, თვითონ უცხოელებიც და გამურული მუშაობით ასოთ-ამწყობნიც მიაჩნდებიან მის რომაულ პროფილს. არ ყოფილა შემთხვევა ვინმეს რობაქიძე არ შეემჩნია, არ ეცნო და არ გახარებოდა მისი შეხედვა. გრიგოლ რობაქიძეს სტამბაში მიაქვს თავის ლექსები პერგამენტზე დაწერილი—ასე სწერდენ ძველი ქართველები, რომელთა ხელნაწერიც უფრო გამძლეები გამოდგა, ვიდრე ბევრი დაბეჭდილი წიგნები. მაგრამ მისთვის კორექტურის შეცდომა საბედისწეროა. არ დაბეჭდილა არც ერთი მისი ლექსი, რომ არ გამოჩნდეს ეს ტინკა.

ერთხელ სანდრო ცირეკიძემ „ანტოლოგიის“ თვითველ დაბეჭდილ წიგნში თავის ხელით გაასწორა ერთი შეცდომა გ. რობაქიძის ლექსის „პანი“. სულ რამდენიმე თვის წინათ თვითონ გრიგოლ რობაქიძემ თავის ხელითვე გაასწორა „ბარბიკადში“ პაოლო იაშვილის ლექსის „არტურ რემბოს“ ერთი შეცდომა. მაშინ ეს ნომერი ათასსზე მეტი დაიბეჭდა. ორი ახალგაზდა სტუდენტი, რომელნიც შედროდენ ამ საქმეში, გაკვირვებული უყურებდენ მის მუშაობას.

სტამბაში ბეჭდვის დროს ასოთ-ამწყობნი ორ საქმეს აკეთებენ: უსმენენ გრიგოლ რობაქიძეს და აწყობენ შრიფტს.

ერთად-ერთი შემთხვევაა, ალბათ, როცა ამ დაწყვეტილ პროფესიის ხალხს უყვართ თავის ხელობა.

პაოლო იაშვილი. იგივე „მაშინა დიდების“. არ ყოფილა არც ერთი სტამბის პატრონი ან ასოთ-ამწყობი, რომ ლიც მას პირადათ არ იცნობდეს. პირველ შესვლისთანავე გალიმება—და ამუშავდება რეჟისურა. ყოველი სიტყვა დაპირებაა და არავის ეეჭვება მისი ასრულება. ასოთ-ამწყობებს უკვირთ, რომ ის მთვრალი არ არის—მაგრამ იციან მალე ერთად დათვრებიან. პაოლო იაშვილს არ დაუწერია არც ერთი ლექსი, რომელიც ან სტამბაში არ დაეწერა—ან ხელმეორედ არ გაესწორებია. სტამბაში დაწერილ ლექსებში ჯერჯერობით პირველობა მაინც ერთ ლექსს რჩება „ფარშავანგები ქალაქში“. არის ბედნიერი ადამიანი, რომელსაც ეს შეუძლია. პაოლო იაშვილი პირველათ სტამბაში მიხედება, რომ საქირთა ლექსის წერა. რასაკვირველია ისეთი ლექსის, რომელსაც ის დაბეჭდავს და არა იმ ექსპრომტების, რომლითაც ის ყველა სალამოებზე აპურებს ფილისტერულ საზოგადოებას.

მხოლოდ უახლოესმა მეგობრებმა იციან, როგორ აფასებს პაოლო იაშვილი პოეტის სახელს, როცა მას სტამბაში ხედავენ. ის უკვირდება ყოველ

სტრიქონის გამართვას. პირის სახე და ხელები გამურული აქვს. ის ერთ და და იმავე დროს ასოთ ამწყობსაც ეხმარება, მაშინისტაც და მეტრან-პაქსაც და ყველას საქმიანად. დაბეჭდვის შემდეგ მისთვის დაბეჭდილი არ არსებობს.

ვალერიან გაფრინ და შვილი. ვალერიან გაფრინდაშვილმა სრულიათ მოულოდნელათ დაიწყო რედაქტორობა. ალიონზე მთიან ტყეებიდან გადმოვარდებიან, მეოცნებე ნიამორები, და ტფილისში გამოჩნდება თეთრ ყდიანი წიგნები. მისი ენერგიული სახე, რომელიც მისმა მეგობარმა ახალ მოსეს სახეს შეადარა, ყველას აჯერებს გაფრინდაშვილის საქმიანობაში. ამ პოეტს ჯერ არავინ შეხვედრია, რომ განშორების დროს ალტაცებით არ ექოს მისი სინაზე და მჭრელი ჭკუა.

ჩემთვის პრობლემაა თავის ნახევრათ დამბული ენით როგორ ელაპარაკება ის ასოთ-ამწყობებს—რომელთა ჯიუტობაც ასე ცნობილია პოეტებში— მაგრამ ყოველთვის აშკარათ გამარჯვებულია პოეტი.

სწერს ნერვიულ ხელით, როგორც ბავში. ამას მანიფესტის კარაკული ეწოდება. არა მარტო კორექტურის გულისხმობით, მას ეკუთვნის ერთი ფრანგი პოეტის ეპიტეტი: შეუცდომელი.

სანდრო ცირეკიძე. დარჩება ალბათ საქართველოში პოეტის და გამომცემელის სახელი—ყველაზე უფრო მის მეგობრებში. ჩვენმა დრომ ბევრი გამომცემელი გაამდიდრა. სანდრო ცირეკიძეს შეუძლია გაიმეოროს დორიან გრეიდან—ანტრეპრენიორის სიტყვები:

— მთელი სიცოცხლე იზრთომო გამდიდრებისთვის, რომ უეცრად გა-კოტრდე შექსპირზე.

შექსპირის მაგიერობას, რასაკვირველია, პოეზია გასწევს.

კოლაუ ნადირაძე. ცხოვრება ჯიბეებში ხელებ-ჩაწყობილი—უკეთესი ავტობორტრეტია. მე არ ვიცი როდის იცლის კოლაუ ნადირაძე სტამბაში შესასვლელათ. მაგრამ ამ დაუდევარმა პოეტმა მაინც მოასწრო წიგნის გამოცემა. მისი „ბალდახინი“ კათოლიკური სიმტკიცით არის გამოტყედილი (არის პოეტის სისხლში მართლა კათოლიკური). პირველ შეხედვისთანავე შეატყობს ყველა, რომ შეიძლება მას უმიზეზოთ ვინმე შემოელაზოს. ამას, ალბათ, სტამბაშიც ხვდებიან.

ნიკოლოზ მიწიშვილი. როგორც ჭინკა გამოჩნდება მოულოდნელათ: რედაქტორი ცხრა ალაგას და უფრო მეტ ალაგას მდივანი. პირველ შეხედვისთანავე ენდობიან—ისეთი სპეტაკი ხალხიც, როგორც სტამბის პატრონებია. გიპერბოლებში არ ჩამორჩება ტიცთან ტაბიძეს. მის ამხანაგებს არ გაუკვირდებათ, რომ ერთ დღეს ნ. მიწიშვილმა ისინი საკუთრათ შეძენილ სტამბაში შეიყვანოს.

ტიციან ტაბიძე. როცა სხვებთან არის, ნაკლებათ ლაპარაკობს, სხვისი იმედი აქვს, განსაკუთრებით თუ მთვრალი არ არის. როცა მარტო დარჩება, ერთად ერთი იარაღია—გიპერბოლა. მესამედიც რომ ვინმემ დაუჯეროს, საქმე გაკეთებულია. უნდოდა როგორც ლეკონტ დე ლილს შეუძლებლათ გაეხადა სალიტერატურო განყოფილების წარმოება, მაგრამ ყოველდღე აპირებს კომპრომისებზე წასვლას ახალგაზრდა პოეტებთან. თავის დღეში არც ლექსებში და წერილებში ნიშნები არ დაუსვამს და გულში ახარებს ყველა კორექტურის შეცდომა, (თუმცა ხანდისხან მეგობრებს ახარებს უშალავს). თავის გამართლებებზე ბევრია: სულ ერთია მაინც ვერავინ გაიკებს და ამას გარდა გადავარდნაც საჭიროა. შეიძლება და კიდევ მიმატება, მაგრამ შეიძლება ამან ავნოს მის რედაქტორობის სახელს.